

## A E mensahe di e promé angel. Revelashon 14:6-7.

### ❖ E evangelio etèrno.

- “E mensahe aki ta “ e evangelio etèrno.” Esei ta, e bon nobo di salbashon pa medio di grasia dor di e sakrifisio di Hesus.
- E ta etèrno pasombra esaki a wòrdu plania “ promé ku tempu a kuminsá ” (Tito 1:2), nunca el wòrdu kambiá i e lo no kambia, e bida etèrno ta dependé riba aseptá òf rechas’é.

### ❖ Temor i huisio.

- Kiko “ temiendo Dios” ta nifiká?
  - (1) Adorando E (Genesis 31:53)
  - (2) Tumando E seriamente (Eksodo 9:20)
  - (3) Wardando Su Lei (Deuteronomio 6:2)
  - (4) Sirbiendo E (Deuteronomio 10:20)
- Kiko ta “ Su huisio”?
- E huisio ta kuminsá mientras ku e evangelio ta wòrdu prediká. Esaki ta konosí komo e huisio pre-binidero ( promé ku e Segunda Binida). E destino etèrno di kada persona a wòrdu disidí dene huisio aki (Revelashon 22:11)

### ❖ Un yamada pa adora.

- E konflikto final ta ataká bèrdadero adorashon manera e ta definí den e promé kuater Mandamentunan:
  - (1) Adorá Dios so (Ekso. 20:2-3) → Adorá Satanás (Rev. 13:4)
  - (2) No traha imagennan pa adorá nan (Ekso. 20:4-6) → Adorá e imagen di e bestia (Rev. 13:14-15)
  - (3) No blasfemá kontra di e nòmber di Dios (Ekso. 20:7) → Blasfemá kontra di Dios i Su nòmber (Rev. 13:6)
  - (4) Adorá e Kreador riba e Sabat (Ekso. 20:8-11) → Djadumingo komo e dia di adorashon (Rev. 13:17)

## B E mensahe di e di dos angel. Revelashon 14:8.

### ❖ Babilonia ta kai.

- Babilonia a wòrdu fundá dor di hende ku no a kere Dios Su promesanan (Genesis 11:1-9). Nebukodonasor a hasi Babilonia “grandi” (Daniel 4:30) i Isaias a profetisá ku esaki lo kai pa motibu di su idolatria (Isaias 21:9).
- E Babilonia di Fin di Tempu ta trahá di sistemanan religioso ku a rechasá e bèrdat dor di aseptá dòktrinan falsu.
- Esaki ta e “biña” ku a hasi e mundu kompleto fuma, asina ku nan no por pensa klaramente i brasa e bèrdat.

## C E mensahe di e terser angel. Revelashon 14:9-13.

### ❖ Destino final.

- Esnan kende a bebe di Babilonia su biña mester bebe di e biña di Dios Su furia. E biña aki a wòrdu bashá(dramá) den 7 plaganan (Rev. 15:7; 16:1-21).
- Kandela i swafel ta wòrdu huzá pa representá huisio divino (Genesis 19:24; Isaias 34:8-10; Judas 7).
- E huma di nan tormentu ta subi pa semper. Esaki ta nifiká ku e konsekuensianan ta etèrno.
- Den e Segunda Binida, esnan kende a aseptá e último yamada na e evangelio etèrno lo biba pa semper (Rev. 14:14-16; Mat. 13:30). Esnan kende no a aseptá e evangelio lo muri (Rev. 14:17-20).